



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-11-4-6350-2
Sarajevo, 03.03.2023.godine

Na osnovu člana 21. Stav (3) tačke (c) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 31/19 i 39/20), člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“, broj 39/14 i 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2022. godinu, imenovane Rješenjem broj 05-1-11-4-519 od 01.02.2022. godine, u postupku javne nabavke građevinsko-zanatskih radova na sanaciji krova u ulici Envera Šehovića, ministar unutrašnjih poslova Kantona Sarajevo, **d o n o s i**:

ODLUKU

o izboru ponuđača za nabavku nabavke građevinsko-zanatskih radova
na sanaciji krova u ulici Envera Šehovića

I

Na osnovu Odluke o pokretanju postupka nabavke broj 01-11-4-6350 od 07.11.2022. godine, proveden je pregovarački postupak bez objave obavještenja u postupku nabavke građevinsko-zanatskih radova na sanaciji krova u ulici Envera Šehovića.

II

Prihvata se preporuka Komisije za javne nabavke i shodno članu 70. Zakona o javnim nabavkama, ugovor za nabavku građevinsko-zanatskih radova na sanaciji krova u ulici Envera Šehovića dodjeljuje se izvođaču radova Sela d.o.o. Sarajevo u iznosu od 49.080,77 KM bez PDV-a (četrdesetdevethiljadaosamdeset i 77/100 KM).

III

Po okončanju roka za žalbu, ugovorni organ će pozvati izabranog izvođača radova radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka nabavke broj 01-11-4-6350 od 07.11.2022. godine, a nakon što su se stekli uslovi prema članu 21. stav (1) Zakona o javnim nabavkama, proveden je pregovarački postupak bez objave obavještenja u postupku nabavke građevinsko-zanatskih radova na sanaciji krova u ulici Envera Šehovića.



Izvođaču radova Sela d.o.o. Sarajevo, dana 09.12.2022. godine, upućen je Poziv za dostavu inicijalne ponude i pregovore kao i Tenderska dokumentacije, a sve je objavljeno i na web stranici Ministarstva unutrašnjih poslova Kantona Sarajevo.

Ponuda je blagovremena, pristigla je dana 15.12.2022. godine i iznosi 53.609,22 KM bez PDV-a.

Komisija za javne nabavke Ministarstva je izvršila otvaranje prispjele ponude, dana 15.12.2022. godine, u prostorijama Sjedišta MUP-a Kantona Sarajevo, te izvršila i pregled i ocjenu prispjele ponude o čemu je sačinjen Zapisnik o ocjeni kvalifikacijskih uslova početne ponude broj 01-11-4-6350-2 od 15.12.2022. godine i konstatovano je da je ponuda formalno-pravno ispravna.

Nakon toga, a u skladu sa Tenderskom dokumentacijom istog dana su, sa ovlaštenim predstavnikom Izvođača radova, Sela d.o.o. Sarajevo, članovi Komisije započeli pregovore o cijeni ponude u 15:00 sati.

Ponuđen je popust u iznosu od 5% od iznosa ukupne ponude, odnosno 2.680,46 KM, tako da bi ukupna cijena ponude iznosila 50.928,76 KM bez PDV-a.

Pregovori su završeni u 16:00, o čemu je sačinjen Zapisnik o obavljenim pregovorima broj 01-11-4-6350-3 od 15.12.2022. godine.

Dana 16.12.2022. godine, Izvođaču radova upućen je Poziv za dostavu konačne ponude u predmetnom postupku gdje je određen rok za dostavu 20.12.2022. godine.

Konačna ponuda je dostavljena u predviđenom roku dana 20.12.2022. godine i iznosi 49.080,77 KM bez PDV-a.

Izvršena je računaska kontrola dostavljene ponude i konstatovano je da je ponuda računski ispravna ali da prelazi procjenjenu vrijednost koja je utvrđena na osnovu ranije provedenih postupaka. Međutim, zbog konstantnog rasta cijena na tržištu radova te činjenice da su raniji postupci okončani poništenjem zbog odustajanja od ugovora od strane ponuđača, prvenstveno zbog procjenjene vrijednosti nabavke, Komisija je predložila da se ponuda prihvati, te shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama („Sl. glasnik BiH“ broj 39/14 i 59/22), Komisija jednoglasno dala preporuku ministru unutrašnjih poslova Kantona Sarajevo da u postupku nabavke građevinsko- zanatskih radova na sanaciji krova u ulici Envera Šehovića, donese odluku o dodjeli ugovora, ponuđaču Sela d.o.o. Sarajevo, u iznosu od 49.080,77 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ovog rješenja dopuštena je žalba Uredu za razmatranje žalbi Bosne i Hercegovine, u roku od deset dana od dana dostavljanja ovog rješenja. Žalba se podnosi neposredno drugostepenom organu, uz obavezu dostavljanja kopije žalbe ovom Ministarstvu.

MINISTAR

Admir Katica

Dostaviti:

1. Ponuđaču,
2. Upravi podrške,
3. Komisiji,
- ④ Kabinet ministra, stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba